



UNIVERSITÄTS-  
BIBLIOTHEK  
PADERBORN

**Ethica Symbolica E Fabularum Umbris In Veritatis Lucem  
Varia Ervditione Noviter evoluta**

**Pexenfelder, Michael**

**Monachii, 1675**

5. Concordiæ bonum.

---

[urn:nbn:de:hbz:466:1-68709](#)

pla docent, quas tempestates concitaverint exitiales hæc faces. Ut Troia incendio deflagraret, quis ignem subdidit nisi Helena? quæ quot radios ex oculis, tot faculas jaculata est, quibus in amorem & odium fortissimorum virorum pectora incendit, & Priami regnum funditus evertit. Clytemnestra verò Helenæ soror, qualis furia extitit? Ægisthi propinquitate conjuncti, fecundissimis amoribus capta, ut liberiùs cum adultero consuesceret, redeuntem ex bello Trojano maritum Agamemnonem per insidias interfecit, idem factura Oresti filio, nisi eum Electra soror certissimæ neci eripuisse. Quid pestilentius ac dirius his flammis? quæ asperitu primo videntur esse fidera ob venustatem formæ; sed nimium ferale lucent, instar cometæ:

----- non illum navita tutò,  
Non impunè vident populi.

IV. (d) Animadversione dignum est, quod Castor & Pollux ex ovo fragili prodierint: qua re ostenditur, quām lubrica sit hominum etiam conjunctissimorum fides & amor. De Carolo VII. Galliarum regē memoratur, ipsum aliquando è familiarium suorum charissimo scilicetatum, quid ejus cum rege amicitiam infringere aut labefactare posset? illūmque respondisse intrepidè, *un affront, Sire.* Unus contemptus, domine. Constantiam amicitiæ expreserunt veteres hoc emblemate. Pingebatur juvenis formâ vegetâ, detecto capite, tuaica rudi indutus, in cuius fimbria scriptum erat: *Mors & Vita.* In fronte: *Æstas & Hiems;* habebâtque latus apertum usque ad cor, cui inscriptum: *Longè & Propè.* Forma juvenilis indicat amicitiam semper virentem; *nudum caput,* fidele obsequium; *rude indumentum,* tolerantiam laborum; *æstas & hiems* prospera & adversa; *latus & cor apertum,* simplicitatem & sinceritatem; *longè & propè,* amoris in omni loco constantiam.

V. (e) Castor & Pollux inter *æneiçnarus*, seu *malorum depulsores*, sunt numerati. Nec immeritò. Nam qui concordes sunt inter se, & pacis amantes, etiam alios ad voluntatum conjunctiones inducunt, eaque, quæ discordiam, & mala inde orientia invehere possent, amoliri student & averruncare. Superiùs meminimus, *Discordiam*, unam esse inter furias, Martis currum stipantes. Ejus imaginem pingit Petri-

nus:

Intremere tubæ, ac scisso Discordia crine  
Extulit ad superos Stygium caput: hujus in ore  
Concretus sanguis: contusaque lumina flebant;

Stabant

(d) *Lubrica amicitia.* (e) *Concordia bonum.*

Stabant irati scabra rubigine dentes;  
Tabo lingua fluens, obfessa draconibus ora,  
Atque intra toto laceratam pectore vestem  
Sanguineam, tremulâ quatiebat lampada dextrâ.

Quale monstrum hoc atque portentum? Hi sunt effectus disjunctionis animorum; hi fructus; livor, iræ, odia, jurgia, rixæ, cædes; alimenta furialis *lampadis*; & mille calamitates aliae; quæ omnia mala, benigno *geminorum* Siderum, Castoris & Pollucis, influxu, veluti maris insana tempestas, depelluntur & dissipantur.

De Cyllaro equo à Pollice insesso, & cum eo in cælum translato, ubi Equicalus seu Equus minor vocatur, extat epigramma:

Fraterno ut junxit Pollucem Jupiter astro,  
Te quoque sidereis, Cyllare, junxit equis.  
Atque ibi tot fessum stadiis, bellique cruentum  
Pulvere, cum Domino te quoque nectar alit.  
Turpe est emeriti scaenum non pascere servi:  
Non eget hoc dominus: verum eget hic domino.

## S Y M B O L U M C I V.

### Momus, deorum omnium irritor.

*Ex Variis.*

### Ethicæ.

1. Libido carpendi & obtrectandi.
2. Osores hominum.
3. Censores aliorum.
4. Sutor, ne ultra crepidam.
5. Maledicentia credit in autorem.

**C**æteros deos ac deas, denique sequitur *Momus*, Deus ipse, quamquam Divorum omnium reprehensor & carpor. Progenitus est patre *Somno*, matre *Nocte*. Proprium ejus naturæ, ipsum quidem nihil operis edere, sed aliorum deorum acta & opera curiosis oculis contemplari, & siquid est omissum, aut perperam factum, id summa cum libertate carpere: unde & nomen accepit; nam μωμος Græcè, reprehensionem Latinè sonat. Is inter deos Neptunum, Vulcanum, Minervam de artificio contendentes, judex delectus, omnium opera reprehendit.